

საქართველოს ენერგეტიკისა და წყალმომარაგების მარეგულირებელი

ეროვნული კომისიის

დადგენილება №26
2019 წლის 25 ოქტომბერი

ქ. თბილისი

„ბუნებრივი გაზის ტრანსპორტირების სისტემაში ნორმატიული დანაკარგების გაანგარიშების წესის“ დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2017 წლის 28 მარტის №4 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტისა და „ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლის პირველი პუნქტის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ დაადგინა:

მუხლი 1

„ბუნებრივი გაზის ტრანსპორტირების სისტემაში ნორმატიული დანაკარგების გაანგარიშების წესის“ დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2017 წლის მარტის №4 დადგენილებით (სსმ, ვებგვერდი, 05/04/2017, სარეგისტრაციო კოდი: 300280000.16.009.016 დამტკიცებული „ბუნებრივი გაზის ტრანსპორტირების სისტემაში ნორმატიული დანაკარგების გაანგარიშების წესის“ მე-2 მუხლის მე-3 პუნქტი ჩამოყალიბდეს შემდეგი რედაქციით:

„3. სატარიფო რეგულირების პერიოდის ყოველი სატარიფო წლისთვის ბუნებრივი გაზის ნორმატიული დანაკარგების ოდენობა განისაზღვრება ტარიფების გაანგარიშების წლის (t) წინა 3 წლის ფაქტობრივი დანაკარგების საშუალო (საშუალო არითმეტიკული) ოდენობით:

$$L_{t+i} = \frac{\sum_{j=1}^3 L_{t-j}^g}{3} \tag{1}$$

სადაც:

L_{t+i} ლიცენზიატის ნორმატიული დანაკარგის ოდენობა (t+i) სატარიფო წლისათვის (კუბ.მ);

L_{t-j}^g (t-j) წელს ლიცენზიატის ტრანსპორტირების სისტემაში ფაქტობრივი დანაკარგების ოდენობა (კუბ.მ);

მუხლი 2

დადგენილება ამოქმედდეს გამოქვეყნებისთანავე.

საქართველოს ენერგეტიკისა და წყალმომარაგების მარეგულირებელი ეროვნული კომისიის თავმჯდომარე კომისიის წევრი კომისიის წევრი

დავით ნარმანია

გიორგი ფანგანი

გოჩა შონია

